

სასწავლო უნივერსიტეტის “ბაჟ ინთერნეიშენალ უნივერსიტი, ბათუმი” სხვა აკრედიტებულ საგანმანათლებლო დაწესებულებაში სწავლის პერიოდში მიღებული უმაღლესი განათლების კრედიტების აღიარების წესი

მუხლი 1. კრედიტების აღიარების პრინციპები

სასწავლო უნივერსიტეტის “ბაჟ ინთერნეიშენალ უნივერსიტი, ბათუმი” (შემდგომში: უნივერსიტეტი) სხვა აკრედიტებული უმაღლესი საგანმანათლებლო დაწესებულებიდან (შემდგომში: პირველადი უსდ) მობილობის ფარგლებში გადმოსული/აღდგენილი სტუდენტების (შემდგომში: სტუდენტი) კრედიტების აღიარება ექვემდებარება შემდეგ პრინციპებს:

1. ტრანსფერისა და დაგროვების ევროპულ საკრედიტო სისტემასთან (ECTS) შესაბამისობა;
2. სტუდენტის მიერ არჩეულ უმაღლეს საგანმანათლებლო პროგრამასთან შესაბამისობა და თავსებადობა;
3. საუნივერსიტეტო კურიკულუმთან შესაბამისობა და თავსებადობა (თავისუფალი კრედიტების შემთხვევაში);

მუხლი 2. კრედიტების აღიარების პროცედურა.

1. რექტორის ბრძანების საფუძველზე უნივერსიტეტში ერთი წლის ვადით იქმნება კრედიტების აღიარების კომისია, რომელშიც შედიან: საგანმანათლებლო პროგრამის ხელმძღვანელი, აკადემიური პერსონალი - შესაბამისი დარგობრივი კვალიფიკაციის მქონე პირი, ფაკულტეტის დეკანის მიერ შემოთავაზებული აკადემიური ან/და მოწვეული პერსონალი, ხარისხის უზრუნველყოფის სამსახურის უფროსი;
2. კომისია მოწვევა ხდება საჭიროებისამებრ. კომისიის საქმიანობას წარმართავს კომისიის თავმჯდომარე და მდივანი. მდივანს ევალება სხდომის ოქმის წარმოება. კრედიტების აღიარების თაობაზე გადაწყვეტილება მიიღება სხდომის მონაწილეების ხმათა უმრავლესობით;
3. კომისიის დასკვნას ხელს აწერს: კომისიის თავმჯდომარე, კომისიის წევრები და მდივანი. კომისიის დასკვნის საფუძველზე ფაკულტეტის დეკანი უნივერსიტეტის რექტორის სახელზე ამზადებს წარდგინებას კრედიტების აღიარების თაობაზე.
4. კომისიის საქმიანობასთან დაკავშირებული საორგანიზაციო საკითხების მოგვარება და სტუდენტთა კრედიტების აღიარებასთან დაკავშირებული დოკუმენტაციის მომზადება ევალება დეკანატს ხარისხის უზრუნველყოფის სამსახურთან ერთად.
5. სტუდენტის მიერ წარმოდგენილი აკადემიური მოსწრების ფურცელი სრულად უნდა ასახავდეს სტუდენტის მიერ ათვისებული კრედიტების რაოდენობას და მასში სასწავლო კურსის დასახელება მითითებული უნდა იყოს სრულყოფილად

და გარკვევით. დოკუმენტი დამოწმებული უნდა იყოს სასწავლო დაწესებულების შესაბამისი სამსახურის მიერ.

შენიშვნა: ნიშნების ფურცელში წარმოდგენილი უნდა იყოს ის კონკრეტული უცხო ენა, რომელიც გავლილი აქვს სტუდენტს (აუცილებელი, არჩევითი).

6. თუ სტუდენტის მიერ წარმოდგენილი დოკუმენტაცია არასრულია ან არ ითვალისწინებს ზემოაღნიშნულ მოთხოვნებს, კომისია უდლებამოსილია, სტუდენტს არ უღიაროს კრედიტები.
7. სტუდენტებს უღიარდებათ მათ მიერ არჩეული:
 - საფაკულტეტო დისციპლინების კრედიტები / ზოგად დარგობრივი კომპეტენციის (ჰუმანიტარული, სამუნებისმეტყველო, სოციალურ მეცნიერებათა ბაკალავრი და სხვ.) - სასწავლო კურსები, რომლებიც სტუდენტს ანიჭებს აკადემიური წარისხს;
 - ძირითადი კომპეტენციის საგანმანათლებლო პროგრამის კრედიტები;
 - თავისუფალი კრედიტები - თავისუფალ კრედიტებათ შეიძლება აღიარებულ იქნას მხოლოდ ისეთი სასწავლო კურსი, რომლის ეკვივალენტიც არსებობს უნივერსიტეტის კურიკულუმში / საგანმანათლებლო პროგრამაში. ინფორმაციის მოპოვება შესაძლებელია უნივერსიტეტის ვებ-გვერდზე.

მუხლი 3. კრედიტების აღიარების რეგულაციები:

1. საგანმანათლებლო პროგრამა: საგანმანათლებლო პროგრამაში (კურუკულუმში) ჩამოყალიბებული სწავლის შედეგები, შესაბამისი დარგობრივი და ზოგადი (ტრანსფერული) კომპეტენციები. სასწავლო კურსის კრედიტების აღიარება მოხდება სწავლის მიზნებიდან და შედეგებიდან გამომდინარე, სტუდენტის მიერ გავლილი სასწავლო კურსების სილაბუსების ანალიზის შედეგად;
2. კომისია უფლებამოსილია, საჭიროების შემთხვევაში სტუდენტს მოსთხოვოს მის მიერ გავლილი სასწავლო კურსის სილაბუსები. სილაბუსის მოთხოვნა არ ვრცელდება აღდგენილ სტუდენტზე;
3. უმაღლესი საგანმანათლებლო პროგრამის კრედიტები, რომელთა საფუძველზეც განხორციელდა კვალიფიკაციის მინიჭება, არ შეიძლება აღიარებულ იქნეს სხვა საგანმანათლებლო პროგრამის მიზნებისათვის;
4. თუ სტუდენტის მიერ გავლილი სასწავლო კურსის დასახელება და კრედიტების რაოდენობა ემთხვევა უნივერსიტეტში მოქმედი სასწავლო კურსის დასახელებასა და კრედიტების რაოდენობას, სასწავლო კურსის აღიარება ხდება ავტომატურად.
5. თუ სტუდენტის მიერ გავლილი სასწავლო კურსის კრედიტების რაოდენობა აღემატება უნივერსიტეტის შესაბამისი სასწავლო კურსის კრედიტების რაოდენობას, მაშინ ხდება იმ კრედიტის აღიარება, რამდენსაც ითვალისწინებს უნივერსიტეტის მოქმედი საგანმანათლებლო პროგრამა;
6. თუ სტუდენტის მიერ გავლილი სასწავლო კურსის კრედიტული მოცულობა 1 ან 2 კრედიტით ნაკლებია უნივერსიტეტის შესაბამისი საგნის კრედიტულ მოცულობაზე, მაშინ ამ სასწავლო კურსის აღიარების საკითხს წყვეტს კომისია სასწავლო კურსის სილაბუსით გათვალისწინებული სწავლის მიზნებისა და შედეგების ანალიზის საფუძველზე. აღნიშნული სასწავლო კურსის აღიარების შემთხვევაში, კომისია სტუდენტს კრედიტებს უღიარებს იმ კრედიტული

მოცულობის შესაბამისად, რა მოცულობითაც მას ეს საგანი ატვისებული აქვს პირველად უსდ-ში.

- პირველად უსდ-ში ათვისებული დისციპლინის სილაბუსის და უნივერსიტეტში მოქმედი სილაბუსის ანალიზის შედეგად, მათი მიზნების და შედეგების ანალიზის საფუძველზე, სრული თანხვედრის შემთხვევაში კომისიამ შეიძლება მიიღოს დასაბუთებული გადაწყვეტილება სტუდენტს უღიაროს კრედიტები იმ მოცულობით, რაც გათვალისწინებულია უნივერსიტეტის მოქმედ საგანმანათლებლო პროგრამაში;
 - პირველად უსდ-ში გავლილი დისციპლინის სილაბუსის და უნივერსიტეტში მოქმედი სილაბუსის ანალიზის შედეგად, მათი მიზნების და შედეგების ანალიზის საფუძველზე, მათი აცდენის შემთხვევაში, რაც უნდა იყოს გაწერილი კომისიის მიერ წარმოდგენილ დასკვნაში, სტუდენტი ვალდებულია გაიაროს დარჩენილი კრედიტების რაოდენობა (კრედიტების სხვაობა) გათვალისწინებულია უნივერსიტეტში მოქმედი სასწავლო კურსის კრედიტული მოცულობით;
 - იმ შემთხვევაში, თუ სტუდენტს დააკლდა საგანმანათლებლო პროგრამით სავალდებულო საგნებისათვის გათვალისწინებული კრედიტული მოცულობა, მისი შევსება შესაძლებელია არჩევითი / ან თავისუფალი საგნების ხარჯზე.
7. თუ სტუდენტის მიერ გავლილი სასწავლო კურსის დასახელება არ ემთხვევა უნივერსიტეტის სასწავლო კურსების დასახელებას, კომისიის უფლებამოსილია:
- უღიაროს სტუდენტს ზოგადი ხასიათის საგანი (მაგალითად, „Communication skills in academic reporting“ როგორც „Academic communication skills“);
 - სპეციალური/ძირითადი საგანის აღიარება შეიძლება მოხდეს ფაკულტეტის შესაბამისი მიმართულების კურუკულუმის სასწავლო კურსების თემატური, შინაარსობრივი შეთავსების საფუძველზე;
8. თუ სტუდენტს ათვისებული აქვს მეორე უცხო ენა, კომისიის გადაწყვეტილებით, შესაძლებელია მეორე უცხო ენის კრედიტების აღიარება ე. წ. თავისუფალ კრედიტებად.
9. თუ სტუდენტს უნივერსიტეტის კურუკულუმთან თავსებად რომელიმე საგანში მიღებული აქვს ე. წ. „ დიფერენცირებული ჩათვლა“, მაშინ ხდება მისი აღიარება და შესაბამისი ქულის მითითება შეფასების 5 ბალიანი სისტემის 100 ქულიან სისტემაზე გადაყვანის პრინციპების შესაბამისად.
- შეფასების 5 ბალიანი სისტემის 100 ქულიან სისტემაზე გადაყვანა ხდება შემდეგი პრინციპით:

ფრიადი (5)	91 ქულა	A
კარგი (4)	84 ქულა	B
დამაკმაყოფილებელი (3)	69 ქულა	D

10. თუ სტუდენტის პირველადი უსდ -ში მოქმედია კრედიტების მინიჭების განსხვავებული სისტემა, სტუდენტი ვალდებულია წარმოადგინოს პირველადი უსდ-ს მიერ გაცემული ოფიციალური ფოკუმენტი, რომელიც განმარტავს ამ სისტემის შესაბამისობას ECTS სისტემასთან:

- სტუდენტი ვალდებულია წარმოადგინოს პირველადი უსდ-ს მიერ გაცემული სასწავლო ბარათი (ოფიციალური ფოკუმენტი), რომელშიც მითითებული იქნება: თითოეული სასწავლო კურსის მოცულობა (რამდენი კვირის მანძილზე სწავლობდა სტუდენტი ამ სასწავლო კურსს და კვირაში რამდენი საათი ეთმობოდა მას.);
 - აღნიშნული კურსისათვის ხდება პირობითი კრედიტების მინიჭება შემდეგი სისტემით: თითოეული სასწავლო კურსის საკონტაქტო საათებს ემატება დამოუკიდებელი მუშაობის საათები (კომისიის მიერ დადგენილ კოეფიციენტზე - 1,5/2) სასწავლო პროგრამის სპეციფიკაციის გათვალისწინებით და მიღებული საათების რაოდენობა იყოფა 30-ზე ანუ 1 კრედიტის საათობრივ რაოდენობაზე. გადაანგარიშებული არამთელი კრედიტები უნდა დამრგვალდეს მთელ რიცხვამდე.
11. თუ სტუდენტის პირველადი უსდ იყენებს შეფასების არა 100 ქულიან სისტემას, სტუდენტი ვალდებულია წარმოადგინოს პირველადი უსდ-ს მიერ გაცემული ოფიციალური ფოკუმენტი, რომელიც განმარტავს ამ სისტემის შესაბამისობას შეფასების 100 ქულიან სისტემასთან.
12. იმ შემთხვევაში თუ უცხოურ უსდ-ში მოქმედი სტუდენტთა ცოდნის შეფასების სისტემა ითვალისწინებს არა ქულებს, არამედ შეფასების აღმნიშვნელ ლათინურ ასოებს (A, B, C, D, E, A+, A-, და სხვ.) და არ არსებობს ამ სისტემის განმარტების ოფიციალური დოკუმენტი, მოცემული სისტემის გადაყვანა უნივერსიტეტში მოქმედ სისტემაზე უნდა მოხდეს შემდეგი წესით:

A +	ფრიადი	100
A	ფრიადი	95
A -	ფრიადი	91
B +	ძალიან კარგი	90
B	ძალიან კარგი	85
B -	ძალიან კარგი	81
C +	კარგი	80
C	კარგი	75
C -	კარგი	71
D +	საშუალო	70
D	საშუალო	65
D -	საშუალო	61
E +	დამაკმაყოფილებელი	60
E	დამაკმაყოფილებელი	55
E -	დამაკმაყოფილებელი	51

13. აღდგენილი სტუდენტის მიერ გავლილი სასწავლო კურსებისათვის კრედიტების მინიჭება ხდება წინამდებარე წესის 3-მე მუხლის 2 პუნქტის თანახმად.
14. აღნიშნული სტუდენტის შეფასების 5 ბალიანი სისტემაზე გადაყვანა 100 ქულიან სისტემაზე ხდება აღნიშნული წესის 3-მე მუხლის 9 პუნქტის თანახმად.

15. სტუდენტის კრედიტების აღიარებასთან დაკავშირებულ საჩივრებს განიხილავს უნივერსიტეტის ხარისხის უზრუნველყოფის სამსახური, შეიმუშავებს შესაბამის რეკომენდაციებს და წარუდგენს კომისიას.
16. აღიარებული კრედიტების რეალდენობიდან გამომდინარე სტუდენტს ეძლევა რეკომენდაცია სწავლა განაგრძოს შესაბამის სემესტრიდან.

საგანმანათლებლო პროგრამისთვის, რომლის ხანგრძლივობაა 2 წელი:

აღიარებული კრედიტი	შესაბამისი სემესტრი
0-24	I სემესტრი
25 – 54	II სემესტრი
55 – 81	III სემესტრი
82-120	IV სემესტრი

საგანმანათლებლო პროგრამისთვის, რომლის ხანგრძლივობაა 4 წელი:

აღიარებული კრედიტი	შესაბამისი სემესტრი
0-19	I სემესტრი
20 – 49	II სემესტრი
50 – 79	III სემესტრი
80-109	IV სემესტრი
110 – 139	V სემესტრი
140 – 169	VI სემესტრი
170 – 199	VII სემესტრი
200 - 240	VIII სემესტრი

საგანმანათლებლო პროგრამისთვის, რომლის ხანგრძლივობაა 5 წელი:

აღიარებული კრედიტი	შესაბამისი სემესტრი
0-24	I სემესტრი
25 – 54	II სემესტრი
55 – 81	III სემესტრი
82-108	IV სემესტრი
110 – 135	V სემესტრი
136 – 164	VI სემესტრი
165 – 189	VII სემესტრი
190 – 219	VIII სემესტრი
220 – 244	IX სემესტრი
245 – 300	X სემესტრი

საგანმანათლებლო პროგრამისთვის, რომლის ხანგრძლივობაა 6 წელი:

აღიარებული კრედიტი	შესაბამისი სემესტრი
0-24	I სემესტრი
25 – 54	II სემესტრი
55 – 84	III სემესტრი
85-114	IV სემესტრი
115 – 144	V სემესტრი
145 – 174	VI სემესტრი
175 – 204	VII სემესტრი
205 - 234	VIII სემესტრი

235 – 264	IX სემესტრი
265 – 294	X სემესტრი
295 – 324	XI სემესტრი
325 - 360	XII სემესტრი

17. ინდივიდუალური სასწავლო გეგმიდან გამომდინარე შესაძლებელია, სტუდენტს დასჭირდეს დამატებითი სემესტრის (სემესტრების) გავლა.
18. აღიარებული კრედიტების მიხედვით სემესტრის განსაზღვრის წინამდებარე შვალა შეესაბამება სტუდენტის მიერ კრედიტების მოპოვების მოქმედ ნორმატულ აქტებს და შეიცვლება მათში ცვლილების განხორციელების შემთხვევაში.